

# Жувайрия бинти ҳорис розияллоҳу анҳонинг фазллари (иккинчи мақола)



12:35 / 08.10.2019 3656

Расулуллоҳ соллаллоҳу алайҳи васалламнинг бундай қилишларига сабаб бор эди. Бу сабабни у зотдан бошқа фақат Яратганинг Ўзи билар эди.

Бу сабабни билиш учун имом Бухорий Оиша онамиз розияллоҳу анҳодан қилган ривоятни англашимиз лозим:

«Ўша хабар одамларга тарқалди. Улар «Расулуллоҳ соллаллоҳу алайҳи васалламнинг қуда тарафини қул қилиб бўлар эканми», деб, Мусталақда тушган қўлларидағи барча асирларни озод қилиб юборишиди. Уларнинг сони юзта аҳли байтга етган эди. Бу у зот унга уйланганлари учун бўлди. Мен ундан кўра ўз қавмига баракаси кўпроқ бўлган аёлни билмайман. Бу иш у зот Мурайсиъ ғазотидан қайтганларида бўлган».

Ҳа, энди тушунарли бўлди. Расулуллоҳ соллаллоҳу алайҳи васаллам Бани Мусталиқнинг улуғининг қизига уйланиш орқали ўша қавмнинг барчасини қулликдан озод қилишни ирода қилган эканлар. У зот бутун бошли бир қавмни зое бўлишдан борликка, озодликка, иймонга қайтаришни ирода қилган эканлар. Набий соллаллоҳу алайҳи васалламнинг бошқа уйланишлари каби, бу уйланишлари ҳам кони ҳикмат бўлиб чиқди.

У зотнинг Барра бинти Ҳорисга уйланганниклари ҳақидаги хабар тарқалиши билан бирга саҳобалар буйруқ билан эмас, ўз ихтиёрлари билан бутун бошли бир қавмни қулликдан озод қилиб юборишиди.

У зот Барра бинти Ҳорисга уйланганлари туфайли қулликдан озод бўлган бутун бошли бир қавм Исломни қабул қилди. У зотнинг бу уйланишлари яхшилик устига яхшилик, барака устига барака келтирди. Расууллоҳ соллаллоҳу алайҳи васаллам янги онамизнинг исмларини Барадан Жувайрияга ўзгартиридилар. Ўша вақтда Жувайрия бинти Ҳорис розияллоҳу анҳонинг ёшлари йигирмада эди.

Шундай қилиб, Жувайрия онамиз розияллоҳу анҳо нубувват хонадони аёлларининг дуру жавҳар силсиласига қўшилдилар. Охирги замон пайғамбари Муҳаммад соллаллоҳу алайҳи васалламнинг завжай мutoҳҳаралари сифатида мўминаларнинг оналаридан бирига айландилар.

Шу билан бирга, Жувайрия онамиз розияллоҳу анҳо қабила бошлиғининг қизи сифатида нозу неъматга кўмилиб, ҳойи ҳавасга берилиб, зару кимхобга ўралиб яшашдан кўра Расули Мурсалиннинг хотини сифатида борига шукр қилиб, тақвога ружу этиб, камтарона яшашни маъқул кўрдилар.

Жувайрия онамиз розияллоҳу анҳонинг нубавват хонадонида дастлаб пайдо бўлган ҳолларини Оиша онамиз розияллоҳу анҳо қуидагича тасвиrlайдилар:

«Аллоҳга қасамки, мен уни ўз ҳужрам эшиги олдида кўришим билан ёқтирамадим. У ҳам Расууллоҳ соллаллоҳу алайҳи васалламдан мен кўрган нарсани кўришини билдим».

Аммо кўп ўтмасдан, вазият тамоман бошқача ҳолга ўзгарди. Қуидаги ривоятда зикр қилинган ҳолат юзага келди.

Муслим, Термизий ва бошқалар Ибн Аббос розияллоҳу анҳудан ривоят қиласидилар:

«Расууллоҳ соллаллоҳу алайҳи васаллам Жувайриянинг олдидан чиққанларида у ўз намозгоҳида эди. Қайтиб кирганларида ҳам у ўз намозгоҳида эди. Бас, у зот:

«Ҳали ҳам ушбу намозгоҳингдамисан?» дедилар.

«Ҳа!» деди.

У зот:

«Мен сендан кейин тўрт калимани уч марта айтдим. Агар сен айтган нарса билан тортилса, ортиқ келур: «Субҳаналлоҳи ва биҳамдиҳи адада холқиҳи, ризо нафсиҳи ва зината аршиҳи ва мидаада калимаатиҳи», дедилар.

Жувайрия бинти Ҳорис онамиз розияллоҳу анҳонинг зикр билан кўп машғул бўлишлари мана шу ривоятдан маълум бўлиб турибди. Расули Акрам соллаллоҳу алайҳи васаллам у кишининг олдиларидан чиқаётганларида ҳам намозгоҳларида ўтириб олиб, зикр қилаётган эканлар. У зот ташқарида ишларини битириб, қайтиб келсалар ҳам ўша жойда ўтириб, зикр қилаётган эканлар.

Шунда Расули Акрам соллаллоҳу алайҳи васаллам:

«Ҳали ҳам ушбу намозгоҳингдамисан?» дедилар.

«Ҳа!» дедилар Жувайрия онамиз зикрни муттасил давом эттираётганларини тасдиқлаб.

Ана шунда Расулу Акрам соллаллоҳу алайҳи васаллам зикр билан зикрнинг фарқи борлигини, баъзи бир зикрни Жувайрия онамизга ўхшаб, узоқ муддат ва кўп такрорлагандан кўра, бошқасини оз такрорлаб, кўп савоб олиш мумкинлигини баён қилдилар:

«Мен сендан кейин тўрт калимани уч марта айтдим. Агар сен айтган нарса билан тортилса, ортиқ келур», дедилар.

Яъни «Мен сенинг олдингдан чиқиб кетганимдан буён ҳозиргача сен айтаётган зикрнинг савоби торозининг бир палласига, мен уч марта айтган тўрт калиманинг савоби бошқа палласига қўйилса, менинг айтганларимнинг савоби оғир келиб, босиб кетади», деганлар.

Расулуллоҳ соллаллоҳу алайҳи васалламнинг айтган калималарининг маъноси «Аллоҳга маҳлуқотлари ададича, Унинг Ўзи рози бўладиганча, Аршининг оғирлигича ва калималарининг оғирлигича поклаш ва ҳамд бўлсин», деганидир.

Жувайрия онамиз розияллоҳу анҳо нафл рўза тутишга ҳам қаттиқ ҳаракат қилар эдилар. Ҳатто дастлабки пайтларда нафл рўза тутиш иштиёқида рўза тутиш қоидаларига хилоф қилганларини қуидаги ривоятдан билиб оламиз.

Бухорий, Абу Довуд, Аҳмад ва Ибн Саъд раҳматуллоҳи алайҳим Абдуллоҳ ибн Амр розияллоҳу анҳудан ривоят қиласилар:

«Расулуллоҳ соллаллоҳу алайҳи васаллам Жувайрия бинти Ҳорис онамиз розияллоҳу анҳонинг олдига Жумъа куни кирсалар, у киши рўза тутиб олган экан. Бас, у зот:

«Кеча ҳам рўза тутганимидинг?» дедилар.

«Йўқ», деди.

«Эртага рўза тутиш ниятинг борми?» дедилар.

«Йўқ», деди.

«Ундей бўлса, очиб юбор!» дедилар».

Чунки фақат Жумъа кунининг ўзида нафл рўза тутиб бўлмайди.

Жувайрия онамиз Расулуллоҳ соллаллоҳу алайҳи васалламдан бир қанча ҳадиси шарифларни ривоят қиласилар. У кишининг ҳадислари саҳих китоблардан ўрин олган.

Жувайрия онамиз бошқа оналаримиз каби, Расулуллоҳ соллаллоҳу алайҳи васалламдан кейин ҳам барча мусулмонларнинг ва хусусан, халифаларнинг иззат-икромларининг тўрида бўлдилар. У киши ана шу иззатни юқори қадрлар эдилар. Бирор сабабга кўра ўз қадрларининг пастлашини истамас эдилар. Агар ўша иш ҳазрати Умар розияллоҳу анҳудек буюк ва забардаст зотдан содир бўлса ҳам кечирмас эдилар.

Ҳазрати Абу Бакр розияллоҳу анҳу мол тақсимлашда оналаримизнинг ҳаммаларини бир хил кўрар эдилар.

Ибн Абу Шайба, Баззор ва БайҳақийларFafranинг озод қиласилар: Умардан ривоят қиласилар:

«Абу Бакр розияллоҳу анҳу вафот этганидан кейин Умар ибн Хаттоб розияллоҳу анҳу халифа бўлди. Аллоҳ унга фатҳларни очди. Унга аввалгидан ҳам кўп келди. Бас, у:

«Бу мол бўйича Абу Бакрнинг ўз фикри бор эди. Менинг бошқача фикрим бор. Мен Расулуллоҳ соллаллоҳу алайҳи васалламга қарши уруш қиласиларни у зот билан бирга уруш қиласиларга ўхшатмайман», деди.

Бас, у мұхожир ва ансорларни афзал қилди. Улардан Бадрда иштирок этғанларига беш минг-беш мингдан тайин қилди. Исломи Бадр аҳлиниң Исломидан олдин бўлганларга тўрт минг-тўрт мингдан тайин қилди.

Расууллоҳ соллаллоҳу алайҳи васалламнинг завжаларидан ҳар бир аёлга ўн икки мингдан тайин қилди. Фақат София ва Жувайрия розияллоҳу анҳумонинг ҳар бирига олти мингдан тайин қилди. Улар уни олишдан бош тортишди.

Шунда у:

«Мен уларга ҳижратга қараб тайин қилдим», деди.

«Сен уларга ҳижратга қараб эмас, Расууллоҳ соллаллоҳу алайҳи васалламнинг маконатларига қараб тайин қилдинг. Биз ҳам уларнинг маконатидамиз», дедилар.

Буни қайта кўриб, уларнинг ҳаммаларини тенг қилди».

Бу ерда Жувайрия бинти Ҳорис онамиз ва София бинти Ҳуяй онамиз мол учун эмас, Расууллоҳ соллаллоҳу алайҳи васалламнинг ҳузурларидағи маконатлари учун талашган әдилар. Уларнинг олган молларининг ҳаммасини муҳтожларга тарқатиб юборишлари ҳаммага маълум. Бу ерда Расууллоҳ соллаллоҳу алайҳи васалламнинг ҳузурларидағи маконат ҳақида гап кетгани учун Умар розияллоҳу анҳу адолат тарафига ўтиб, ўз гапларини қайтариб олдилар.

Жувайрия онамиз розияллоҳу анҳо ҳижрий әллигинчи санада, олтмиш беш ёшларида вафот этдилар ва Бақийъ қабристонига дафн қилиндилар.

Аллоҳ таоло Жувайрия бинти Ҳорис онамиз розияллоҳу анҳодан рози бўлсин!

**«Ҳадис ва ҳаёт» китобидан**